

三國志通俗演義

三國志通俗演義卷之十三

目錄

趙雲截江奪幼主

曹操興兵下江南

玄德斬楊懷高沛

黃忠魏延大爭功

落鳳坡箭射龐統

張益德義釋嚴顏

孔明定計捉張任

楊阜借兵破馬超
段萌張飛戰馬超
劉玄德平定益州

三國志通俗演義卷之十三

晉平陽侯陳壽史傳

後學羅本貫中編次

趙雲截江奪幼主

建安十七年。歲在壬辰。春正月。劉玄德與益

州牧劉璋大會於涪城。

離成都三百六十里

二人相見。

盡訴弟兄之情。廣設筵會。犒勞三軍。終日盡

歡。龐統引法正說玄德就席間將劉璋殺之。

西川不勞張弓隻箭而定矣。玄德曰。初入蜀

中。恩信未立。此事決不可行。龐統再三說之。玄德畧無相從之意。次日宴於城中。二人細叙衷曲。如同一母所生。酒至半酣。龐統與法正商議曰。事在掌握之中。由不得主公了。便教魏延舞劍。暗囑付下手。延拔劍曰。筵間無樂。願舞劍為戲。龐統便呼衆武士入。到於堂中。只待魏延下手。劉璋手下諸將見魏延舞劍。劉璋更見堦前武士手按刀靶直視堂上。從事張任掣劍亦舞。曰。舞劍必須有對。某願

伴之。二人對舞。張任目視玄德。統用目回顧。劉封。封拔劍亦舞入。劉瓚。冷苞。鄧賢。各掣劍出。曰。我等當羣舞。以助一咲。玄德大驚。掣左右所佩之劍。立於席上。曰。吾弟兄乃漢室宗親。相逢痛飲。並無疑忌。又非鴻門會上。何用舞劍而為亂乎。不棄劍者。立斬之。劉璋亦叱之曰。弟兄相聚。何必帶刀。盡命去之。衆皆紛然下堂。筵間盡去兵器。玄德喚諸將士上堂。以酒賜之。玄德曰。吾弟兄同宗骨肉。共議大

事。豈有二心。汝等勿驚疑。諸將皆頓首再拜。劉璋抱玄德泣曰。吾兄之恩。誓不敢忘。共歡飲至晚而散。玄德歸寨。深責龐統曰。吾以仁義躬行天下。安忍為此。汝無複言。二人嗟嘆不已。却說劉璋歸寨。劉瑣等曰。主公見今日席上光景乎。不如早回。免生後患。劉璋曰。吾兄劉玄德。非比他人也。衆將曰。雖玄德無此心。手下之士。皆欲吞併西川。以圖富貴之意。璋曰。汝等無複以言間吾兄弟之情。遂皆不

聽。二人歡飲百餘日。並無猜疑。忽報張魯兵犯葭萌關。劉璋請玄德行。玄德慨然諾之。遂引本部兵往葭萌關去了。衆將勸劉璋令大將緊守各處關隘。以防玄德兵變。初時不從。後命蜀中名將白水都督楊懷高沛二人守把涪水關。劉璋自回成都。比及玄德到葭萌關。嚴禁軍士。廣施恩惠。以收民心。却說有人報知吳侯。吳侯會文武商議。權曰。當初吾欲與劉玄德一同收川。誰想今日背了吾。自去。

取之。當復如何。顧雍進曰。劉備分兵遠涉山險而去。未易往還。何不差一軍先截川口。斷絕劉備歸路。後盡起東吳之兵。一鼓而下。可得荆襄矣。權曰。此計大妙。便要起兵。忽屏後一人大喝而出曰。進此計者。可斬之。欲害吾女之命。衆大驚。視之。乃吳夫人也。夫人怒曰。吾一生惟有此女。嫁與劉備。見在荊州。若是動兵。吾女性命如何。叱孫權曰。汝掌父兄之業。坐領八十一州。尚自不足。顧心利。不念骨

血。孫權喏喏連聲答曰。老母之訓。豈敢有違。
遂退文武。吳夫人深恨顧雍。孫權立於軒下。
自思。此機會一失。再幾時一遇。沉吟之間。不
覺張昭立於面前。問曰。主公何憂。孫權曰。正
思適間之事。昭曰。極易也。先差一人。只帶五
百軍。扮作商人。潛到荊州。下一封密書與夫
人。只說國太病危。欲囑後事。取夫人星夜回
還。玄德平生只有一子。就帶回國。暗地下船。
順水而來。那時玄德定把荊州來換阿斗。如

有不睦。一住動兵。何碍於是。權曰。此計大妙。吾有一人。姓周。名善。力能舉鼎。有膽量。極忠烈。自勇穿房入戶。多隨吾兄。可以命之。昭曰。切勿漏泄。只此便令起行。於是密遣周善將五百人分作五船。扮為商人。於中更詐修國書。以備盤詰。船內暗藏兵器。周善取荊州水路而來。船泊江邊。周善自入荊州。令門吏報孫夫人。夫人喚周善入。呈上密書。夫人見說國太病危。洒淚慟問。周善拜訴曰。國太好生

病重。旦夕只是想念夫人。倘去得遲。恐不相見。就教夫人帶阿斗去見一面。夫人曰。須是使人往南郡教軍師知會。方可以行。周善曰。若軍師回言道。須待主公使人回報。方許下船。如之奈何。夫人曰。若不辭而去。恐有阻當。周善曰。大江之中。已準備下船隻。只今便請夫人上車出城。孫夫人聽知母病危急。如何不慌。遂將七歲阿斗藏。在車上。隨行緊要。帶三十餘人。各跨刀劍。上馬離荊州城。便來江

邊上船。府中人欲報時。孫夫人已到沙頭鎮。入在船中了。只聽得岸上有數人叫。且休開船。容與夫人餞行。船上人視之。乃常山趙子龍。原來巡哨方回。聽得這箇消息。喫了一驚。只帶四五騎。旋風般沿江趕來。周善手執長戈。喝令軍士。一齊開船。各將軍器出來。擺列在船上。况兼風順水急。隨流而去。趙雲沿江趕叫。任從夫人去。只有一句話拜稟。周善道。汝是何人。敢當主母。趙雲不答。沿江赶到十

餘里灘半斜。纜一隻漁船。趙雲棄馬。執鎗跳
上漁船。只兩人駕船。前來取吳大船上去。周
善教軍士放箭。趙雲以鎗撥之。紛紛落水。離
大船懸隔丈餘。吳兵用鎗亂刺。不能得進。趙
雲棄鎗在小船上。掣所佩青釭劍在手。分開
鎗槩。望吳船湧身一跳。早登大船。吳兵盡皆
驚倒。後有詩曰

昔年救主在當陽。今日飛身向大江。船上
吳兵皆膽落。趙雲英勇世無雙。

又詩曰

可愛常山趙子龍。當陽救主顯英雄。昔時
懷內藏真命。今日江心立大功。孫氏威權
渾挫滅。張昭謀畧已成空。兩番遇險依洪
福。四十餘年王蜀中。

趙雲上船。吳兵盡退於後稍。趙雲入倉中。見
夫人抱阿斗於懷中。夫人喝趙雲何故無禮。
雲插劍聲喏曰。主母何故。不令軍師知而便
行。夫人曰。我母親病在危篤。無暇報知。雲曰。

主母探病。何故帶小主人去。夫人曰。阿斗是
吾子。留在荊州。無人看覷。雲曰。主母差矣。主
人一生只有這點骨血。小將在當陽長坂坡。
百萬軍中。抱出。今日何暗抱將去。此何理也。
夫人怒曰。量汝只是帳下一武夫。安敢管我
家事。趙雲曰。夫人要去。留下小主人。夫人喝
曰。汝半路輒入船中。必有反意。雲曰。總然萬
死。亦不敢放夫人去。夫人喝侍婢向前揪拌。
被趙雲推倒。就懷中奪了阿斗。抱出船頭上。

欲要傍岸。又無付手。欲要行兇。又恐碍於道理。進退不得。夫人喝侍婢奪阿斗。趙雲一手抱定太子。一手仗劍。人不敢近。周善在後稍。挾住舵。放船下水。風順水急。船望中流而去。趙雲孤掌難鳴。只護得太子。豈能移舟傍岸。事在危急。下流頭港內。一字兒使出十餘隻船來。船上磨旗擂鼓。趙雲自思。今番中了東吳之計。當頭船上一員大將。手執長矛。高聲大叫。留下姪兒去。乃是燕人張飛。原來巡哨。

聽得這箇消息。在油江夾口。正撞吳船。慌忙截住。吳兵慌了手脚。張飛提劍跳上吳船。周善見張飛上船。提刀來迎。手起被張飛一劍斫倒。提頭擲於孫夫人前。夫人大驚。曰。叔叔何太無禮。張飛曰。嫂嫂不以俺哥哥為重。私自歸家。是何道理。夫人曰。我母病重。甚是危急。若等你哥哥回報。須誤了我大事。若你不放我回去。情願投江而死。言訖欲跳。張飛與趙雲商議。若逼死此人。非為臣下之道。只護

阿斗過船。遂與孫夫人曰。俺哥哥。大漢皇帝。也不辱沒嫂嫂。今日相別。若思哥哥恩義。早早回來。兩人辭別畢。張飛抱阿斗。自與趙雲回船。放孫夫人五隻船去了。後有詩曰。

長坂坡頭怒一聲。倒流烟水退曹兵。今朝江上扶危主。青史應題萬載名。

不說孫夫人回國。只說張飛趙雲奪阿斗。懽喜回船。行不數里。孔明引大隊船隻。接見張飛趙雲并阿斗。四人併船而歸。軍師申文書。

往葭萌關。教玄德知會。却說孫夫人回見母親。說張飛趙雲殺了周善。截江奪了阿斗。孫權大怒曰。今吾妹已歸。與彼不親。殺周善之讐。如何不報。喚集文武。商議起大軍。與劉備誓不兩立。來取荊州。未知如何。

曹操興兵下江南

却說孫權令收拾船隻。準備人馬。取荊州。正商議調兵。忽報曹操起軍四十萬。來報赤壁之讐。不可輕敵。孫權大驚。慌聚文武商議。人

報長史張紘自辭疾回家而死。有哀書上呈。
孫權觀其書曰

長史張紘。臨終書拜於主公吳侯麾下。自古有國家者。咸欲脩德政。以比隆盛世。至於其治。多不馨香。非無忠臣賢佐。間於治體也。由主不勝其情。弗能用耳。夫人情憚難而趨易。好同而惡異。故與治道相反。傳曰。從善如登。從惡如崩。言善之難也。人君承奕世之基。據相然之勢。操八柄之威。甘

易同之歡。無假取於人。而忠臣挾難進之術。吐逆耳之言。其不合也。不亦宜乎。雖則有釁巧辯緣閒。眩於小忠。戀於恩愛。賢愚襍錯。長劣失序。其所由來。情亂之也。故明君悟之。求賢如饑渴。受諫而不厭。抑情損欲。以義割恩。上無偏謬之授。下無希冀之望。宜加三思。舍垢蕺疾。以成仁覆之大。秣陵山川。有帝王之氣。可速遷居之。為萬世之業。紘不勝泣血哀感眷望之至。

孫權覽書大慟。張紘亡年六十歲。權曰。張子

綱。令吾遷居。吾如何不從。即命遷治於建業。

築石城。

今時建康古名秣陵。孫權時名建業。

呂蒙進曰。曹操兵

來。可夾攻。濡湏水口。築塢以拒之。

塢。即城也。

諸將

皆曰。上岸擊賊。洗足入船。何用築城。蒙曰。兵

有利鈍。戰無百勝。如邂逅逢敵。步騎相促。人

尚不暇及水。何能入船乎。權曰。人無遠慮。必

有近憂。子明之見甚遠。便差軍數萬。築濡湏

塢。曉夜併工。務要立辦。却說曹操整點三軍。

起程。長史董昭進言曰。自古以來。人臣震世。未有如丞相之功者。雖周公。呂望。莫可及也。櫛風沐雨。三十餘年。掃蕩羣凶。與百姓除害。使漢室復存。豈可與諸臣宰同列乎。合受魏公之位。加以九錫。以障天下。其九錫之名曰。

一車馬。

大輅戎輅各一。大輅金車也。戎輅兵車也。玄輅牡二。駟者黃馬八匹。

二衣服。

袞冕之服。赤舄。赤舄朱履也。王者之服。赤舄朱履也。

三樂縣。

縣音懸。軒縣之樂。堂下之樂也。升降必動。樂也。佾舞者之行。列也。天子八佾。王侯六佾。

四朱戶。

居以朱戶。紅門也。

五納陛。

納陛。陛以登。

六

虎賁

虎賁三軍也

七鈇鉞

鈇音甫鈇鉞各

斧八寸

矢

形弓一形矢百形赤色也九

望圭瓚

香酒灌地以求神于陰自中搏也

圭瓚宗廟祭器此九錫之名義也

侍中荀彧曰不可丞相本興義兵匡扶漢室

秉忠貞之誠守退讓之實君子愛人以德不

宜如此曹操聞之勃然變色董昭曰豈可一

人而阻衆望遂尊操為魏公荀彧掩泪而出

曰吾不想今日如此操深恨之以為不助已

也。建安十七年冬十月。曹操興兵下江南。就帶荀彧同行。彧已知操有殺害之心。推病進於壽春。操又使人催併前行。彧嘆曰。吾死於九泉之下。無面目見漢君也。忽曹操使人送飲食一盒至。盒上有操親筆封記。開盒視之。並無一物。彧曰。止於此矣。遂服毒而亡。年五十歲。史官讚曰。

穎上荀文若。人稱王佐才。聲名齊五岳。功業震三台。孟德無終始。留侯不再來。忠心

懷恨死。天下盡悲哀。

論曰。自遷帝西京。山東騰沸。天下之命倒

懸矣。荀君乃越河冀間關。以從曹氏。間關由展

也察其定舉。措言立策。崇明王畧。以急國

艱。豈云因亂假義。以就達正之謀乎。誠仁

為已任。期紓紓音民於倉卒也。及阻董昭之

議。以致非命。豈數也。夫世言荀君者。通塞

或過矣。常以為中賢以下。道無求備。智筭

有所研踈。原始未必要末。期理之不可全

詰者也。夫以衛賜之賢。一說而斃兩國。兩國

謂齊與吳也。賜至吳。請夫差伐齊之晉。說以兵待吳伐齊之榮。吳既勝齊與吳爭強。

晉果敗吳也。彼非薄於仁而欲。盖有全必有卷。

也。斯又功之不兼者也。方時運之屯遭。音粘

非雄才無以濟其溺。功高勢強。則皇器自

移矣。謂魏太祖功業大此又時之不可並

也。盖取其歸正而已。亦殺身以成仁之義

也。

讚曰。公業稱豪。駿聲升騰。權詭時偪。謂辭對卓

揮金僚朋。北海天逸。音情頓挫。尤抑越俗。

易驚孤音。少和。直轡安歸。直道也。高謀誰佐。

或之有弼。誠感國疾。功申運改。迹疑心一。

其子荀惲。音惲。發哀書報曹操。操甚懊悔。差人

厚葬。謚曰敬侯。且說曹操大軍至濡須。水出九江。

歷陽前面差三萬鐵甲馬軍。令曹洪部領。哨

至江邊。回報沿江一帶。遙望旗旛無數。不知

兵聚何處。操放心不下。自領兵前進。就濡須

口擺開軍陣。操領百餘人上山坡。遙望見戰

船各分隊伍。依次擺列。旗分五色。軍器鮮明。當中大船上。青羅傘下。坐着孫權。左右文武侍立兩邊。操以鞭指揮曰。生子當如孫仲謀。若劉景升兒子。犬豕耳。忽一聲響動。南船一齊飛奔過來。濡須塢內。又一軍出。衝動曹軍。曹操軍兵退後便走。軍皆四散。止遏不住。千百騎赶到山邊。為首馬上一人。碧眼紫髯。上長下短。衆人認得正是孫權。親自引一隊馬軍來擊曹操。操大驚。急回馬時。東吳兩員大

將韓當周泰兩騎馬直衝將上來。操背後有大將許褚縱馬舞刀。敵住二將。曹操得脫歸寨。許褚與二將戰三十合方回。操正在寨中誇許褚之能。責罵衆將。臨敵先退。挫吾銳氣。再後如此。盡皆斬首。夜至二更時分。忽寨外喊聲大震。操急上馬。見四下裏火起。却被吳兵劫入大寨。殺至天明。曹兵退五十餘里。却纔收軍。下定寨柵。操心中鬱悶。閑看兵書。忽程昱曰。丞相既知兵法玄妙。豈不知兵貴神

速乎。丞相起兵。遷延日久。故孫權得以準備。夾濡湏水口為塢。甚是有理。不若且罷兵還許都。別作良圖。操不應。程昱出。操伏几而卧。忽聞潮聲洶湧。如萬馬爭奔之狀。曹操急視之。見大江中。推起一輪紅日。光華射目。天上兩輪太陽對照。忽然江心推起紅日。拽拽飛來。隊於寨前山中。其聲如雷。倏然驚覺。在帳做了一夢。帳前軍報道。午時曹操叫備馬。引五十餘騎。迳奔出寨。猶如夢中所見落日山。

邊正看之間忽見一簇人馬當先一人。渾身金甲金盔。操視之。乃是孫權。權見操至。也不慌。也不忙。在山上勒住馬。以鞭指揮曹操曰。丞相坐鎮中原。富貴已極。何故貪心不足。尚圖江南吳地。操荅曰。汝為臣下。不尊王室。吾奉天子詔。特來討汝。孫權笑曰。此言豈不羞乎。天下豈不知你挾天子令諸侯。非不尊漢朝。實欲討汝。以正國家。操大怒。叱諸將上山捉孫權。忽一聲鼓響。山背後兩彪軍出。右邊

韓當周泰左邊陳武潘璋四員將帶三千弓弩手兩邊亂射如雨。操急回引衆將而走。背後四將趕來甚急。赶到半路。許褚引着衆虎衛軍敵住。因此救得曹操。孫權兵齊奏凱歌。回濡湏去了。操還營。自思孫權非等閑人物。紅日之應。久後必為帝王。操心中有退兵之意。又恐被東吳恥笑。因此進退未決。兩邊相拒月餘。戰了數場。互相勝負。建安十八年春正月。連陰雨水甚多。水港皆滿。軍在泥水之

中。操竊聽之。各寨軍士皆有思歸之意。操心甚憂。當日正在寨中與衆謀士商議。有一半勸操收兵。有一半云。目今春暖。正好相持。不可退歸。進退未決。忽報東吳有使齎書到。拆開觀之。書曰。

吳侯孫權再拜。致書于漢丞相麾下。切謂彼此皆漢朝臣宰。不思報國安民為本。妄施殺伐。非仁者之心也。即目春水方生。公當速去。各圖安逸。如其不然。復有赤壁之

既矣。公宜自思焉。建安十八年春正月。吳
侯孫權書。背後批兩行云。足下不死。孤不
得安。

曹操看畢。大咲曰。孫權不欺我也。遂賞使者
令回。操令軍退。命廬江太守朱光鎮守皖城。
盡收軍回許昌去訖。孫權亦收軍回秣陵。權
與衆將商議。曹操雖然吐去。劉備尚在葭萌
關未還。何不引拒曹操之兵。以取荊州。張昭
獻計曰。未可動兵。今劉備在西川。不能再還。

荊州矣。孫權大喜。問張昭其計如何。且聽下
回分解。

玄德斬楊懷高沛

張昭獻計曰。且休要動兵。若一興師。曹操必
再至矣。不如修密書二封。一封與劉璋。言劉
備結連東吳。欲下西川。使劉璋與備相疑。內
外攻擊。一封與張魯。教進兵向荊州來。使間
謀二處。着劉備首尾不能救護。則起兵取之。
事可諧矣。權從之。即發使二處去了。却說玄

德在葭萌關日久。民心甚順。知曹操興兵犯
濡須。與龐統議曰。曹操擊孫權。操勝。則就取
荊州。權勝。亦取荊州矣。當如何。龐統曰。主公
勿憂。有軍師諸葛亮。足智多謀。料想東吳不
敢犯荊州。主公可移書去劉璋處。只推曹操
攻擊孫權。權求救於荊州。吾與孫權唇齒之
邦。唇亡。則齒寒矣。張魯自守之賊。則不敢犯
界。吾今勒兵回荊州。共孫權約會。同破曹操。
奈何兵少糧缺。望以同宗之故。速發精兵三

四萬行糧十萬斛。段疋軍器。星夜發付前來。請勿有誤。若得軍馬錢糧。却另作商議。玄德從之。遣人往成都。來到關前。楊懷。高沛。聽知此事。遂教高沛守關。楊懷一同使者入成都。見劉璋。呈上書信。劉璋問楊懷為何來。楊懷曰。專為此書而來。劉備自從入川。廣布恩德。以收民心。此人之意。甚是不善。今求軍馬錢糧。切不可與。如若相助。似抱乾柴於烈火之上。急難滅也。劉璋曰。吾與玄德弟兄之情。不

可廢也。一人昂然而出曰。劉備梟雄之人也。若久留於蜀中。不遣去之。是縱虎入室也。今更助之以軍馬錢糧。與虎狼添羽翼矣。切不可允之。衆人視之。乃零陵。沔陽人也。姓劉名巴。字子初。此人近自交趾轉入蜀中。堦下黃權又諫。劉璋遂允。量撥老弱軍四千。米一萬斛。彩段五千疋。軍器車仗少許。發使者去報劉備。劉巴傳令。急教楊懷高沛緊守關隘。使者先到。楊懷回到。蒯萌關來見玄德。具言此

事。隨後送糧至。玄德大怒曰。吾為汝破敵。費力勞心。汝今積財吝賞。何以使士大夫死戰乎。遂扯毀回書。大罵而起。使者連夜逃回成都。龐統曰。主公只以仁義為重。今其意如何。玄德曰。如此當若何。龐統曰。某有三條計策。願主公自擇而行。只今便選精兵。晝夜兼道。徑襲成都。一舉便定。此為上計。楊懷。高沛。乃蜀中名將。各仗強兵。拒守關阨。今主公佯以還荊州。二將聞知。必來相送。就送行處。擒而

殺之。得關先取涪城。然後却向成都。此中計也。退還白帝。連夜回荊州。徐圖進取。此為下計。若沉吟不去。將至大困。不可久矣。玄德曰。軍師上計太促。下計太緩。中計不遲不疾。可以行之。統曰。主公作書。辭劉璋。虛言曹操令部將樂進引兵至青泥鎮。弟關某等抵敵不住。吾當親自去助。不及面會。特書相辭。使人入成都報知。却說張松聽得說劉玄德回荊州。只道真心修書一封。却欲令人送與玄德。

正值親兄廣漢太守張肅到。松急藏書於袖中。與肅相陪說話。肅見松只有開調之意。索酒飲之。酒至半酣。松和兄張肅獻酬交錯。忽落此書於地。肅從人拾得。須臾席散。從人以書呈肅。肅開視之。書曰

松頓首端拜。主君皇叔麾下。昨常進言。並無虛謬。何遲太甚。逆取順守。古之人所貴。今大事已在掌握之中。何故欲棄此而回荊州乎。使松聞之。如有所失。書呈到日。疾

速進兵以圖王業幸甚。松稽首再拜。

張肅見了。大驚曰。吾弟作滅門之事。不可不首。連夜將書見劉璋。說弟張松與劉備同謀。欲獻西川。劉璋大怒曰。吾平生以仁義待人。誰想如此。遂下令捉張松全家。盡斬于市。有詩嘆曰。

一覽無餘自古稀。誰知書信泄天機。未觀玄德興王業。先向成都血染衣。

劉璋斬了張松全家。遂與文武商議曰。劉備

欲奪吾之基業。當如之何。黃權曰。事不宜遲。即便差人告報各處關隘。添兵守把。並不許放荊州一人一騎入關。却說玄德提兵回涪江。先使探馬來報關上。曰。吾回荊州。來日逢過。請楊高二人相別。却說楊懷高沛二將在關上。聽得劉玄德教人來報。明日逢過。欲求相見一面。楊懷曰。玄德此回若何。沛曰。玄德合死。我等先藏利刃。於送行處刺之。以絕吾主之患。懷曰。此計大妙。二人只帶隨行二百

人遠送。其餘並留在關上。玄德大軍盡發。前至涪水之上。龐統在馬上與玄德曰。楊懷高沛若欣然而來。可隄防之。若是不來。便起兵。迳取其關。不可遲緩。正說之間。忽起旋風。吹倒馬前帥字旗。玄德問龐統。統曰。此警報也。楊懷高沛二人。必有刺主公之心。可整兵禦之。玄德身披重鎧。自佩寶劍。忽報楊高二將前來送行。玄德令軍馬歇定。龐統分付魏延。黃忠二人。但關上来的軍士。不問多少馬步。

軍兵一箇也。休放回。二將得令。自遠遠散去。却說楊懷高沛二人。身邊各藏利刃。帶二百軍兵。捧羊送酒。直至中軍。見並無準備。心中暗喜。以為中計。二將下馬。見玄德正與龐統坐於帳中。二將聲喏曰。今聞皇叔遠回。特具薄禮相送。遂進酒以勸玄德。玄德曰。二將軍守關不易。當先飲此盃。二將飲酒畢。玄德曰。吾有密事與二將商議。閑人退避。手下二百人盡趕出中軍。玄德叱曰。左右與吾捉下。帳

後劉封。關平果捉二人。楊高急待事聞。劉封
關平各捉下一人下堦。玄德喝曰。吾與劉璋
是同宗兄弟。汝二人何故同謀間諜親情。龐
統大喝搜之。劉封於二人身畔各搜出利刀
二口。玄德終有慈心。不忍殺之。龐統作色曰。
二人本意欲殺吾主。罪不容誅。推出斬之。刀
斧手即斬楊懷高沛於帳前。一聲號出。黃忠
魏延盡將二百從人先自捉下。不曾走了一
箇。玄德喚入。各賜酒壓驚。玄德曰。楊懷高沛

間謀吾弟兄。又藏利刃行刺。是誰無禮。已行
誅戮。罪不在你等。命皆恕之。衆各拜謝。龐統
曰。今夜用汝等引路。帶吾軍取關。各有重賞。
衆皆應允。是夜教高楊二百人引至關下。叫
曰。二將軍有急事回。可速開關。城上聽是自
家軍。即時開關。軍士一擁而入。刀不血刃。得
了涪城。大軍遂入。蜀兵皆降。玄德各賜重賞。
隨即分兵前後守把。次日。勞軍設宴於涪城
公廳。玄德帶酒。顧龐統曰。今日之會。可為樂

乎。龐統曰。伐人之國而以為樂。非仁者之兵也。玄德大怒曰。吾聞昔日武王伐紂。前歌後舞。此亦非仁者之兵歟。吾視汝言。不合道理。可速退。龐統聞之。全無懼色。大咲而起。左右亦扶玄德入堂。睡至四更。酒醒。左右以逐龐統之言。告於玄德。玄德懊悔無及。急穿衣陞堂。請龐統曰。昨因酒醉。有觸於公。幸勿挂懷。龐統談咲自若。玄德曰。昨日之言。惟吾有失。龐統曰。君臣俱失。何獨主公乎。玄德大咲。共

樂如初。却說敗兵連夜走回成都。報與劉璋。
璋大驚曰。不料今日果有此事。遂喚文武問
退兵之策。衆將齊出曰。某等願往。連夜起兵
以屯雒縣。雒音洛。古縣名。今之江州也。塞住咽喉之路。劉
備雖有精兵猛將。不能過也。遂遣差劉瓚。冷
苞。張任。鄧賢。點五萬大軍。星夜起發。進守雒
縣。以拒劉備。四將起兵。勝負如何。且聽下回
分解。

黃忠魏延大爭功

四將領兵之次。劉瓚曰。吾聞錦屏山中。有一異人。道號紫虛上人。知人生死貴賤。吾輩今日出師。可令軍馬先行。正在當路。吾等可往問之。張任曰。大丈夫行兵拒敵。豈可問於山野之人乎。瓚曰。不然。聖人有云。禍福將至。善必先知之。不善必先知之。吾等問於高明之人。當趨吉而避凶。於是四人引五六十騎至山下。信步行至山上。問於樵夫。樵夫遂指高山絕頂處。便是。四人至庵前。見一道童出迎。

問了姓名。引入庵中。正見紫虛上人坐於蒲墩之上。四人下拜。求問前程之事。紫虛上人曰。貧道乃是山野廢人。豈知休咎乎。劉瓚再三拜問。紫虛遂命道童取紙筆。寫了八句言語。與劉瓚收去。其文曰。

左龍右鳳。飛入西川。雉鳳墮地。卧龍升天。一得一失。天數如然。宜歸正道。勿卷九泉。劉瓚又問曰。吾四人氣數如何。紫虛上人曰。定業難逃矣。何必再問。瓚又請問時。眉垂目

合已無了氣。四人下山。劉瑣曰。仙人之言。不可不信。張任曰。此狂士也。聽之何益。遂上馬前行。至雒縣。分調人馬守把各處隘口。劉瑣曰。雒城乃成都之保障。失此則成都難保。吾四人公道商議。着二人守城。二人當去雒縣前面。依山傍險。劄下二箇寨子。勿使敵兵臨城。冷苞鄧賢曰。某願往助之。劉瑣大喜。設宴相待。分兵二萬與冷苞鄧賢二人。離城六十里下寨。劉瑣張任守護雒城。却說劉玄德已得

涪城與龐統商議。進取雒城。有人來報。劉璋撥四將前來。即目有冷苞。鄧賢。二萬軍。離城六十里。劄下兩箇大寨。玄德聚衆將問曰。誰敢建頭功。去取雒縣。二將寨柵。老將黃忠應聲而出曰。老夫願往。玄德曰。老將軍親率本部人馬。如取得營寨。必當重賞。黃忠大喜。謝了要行。帳下一人出曰。老將軍年紀高大。如何去得。小將願往。玄德視之。乃是魏延。黃忠曰。我已領下將令。你如何敢攬越。魏延曰。老

不以筋力為能。吾聞冷苞、鄧賢，蜀中名將，血氣方剛，恐老將近他不得，誤了主公大事。因此相替，本是好意。黃忠大怒，叱魏延曰：「汝說吾老，敢與我比試武藝麼？」魏延曰：「就主公之前當面比試。」贏的便去。黃忠趨步下堦，便叫小校將刀來。玄德急止之曰：「不可。吾今提兵取川，全仗汝二人之力。今兩虎共鬥，必有一傷。須誤了我大事。吾與你二人勸解休爭。」龐統曰：「汝二人不必相爭。即目冷苞、鄧賢下兩

箇營寨。今汝二人。自領本部軍各打一寨。如先獲得將者。便為頭功。黃忠。魏延各領命去了。龐統曰。此二人去。恐於路上相爭。主公可自引軍為後應。玄德留龐統守城。帶劉封。關平。五千軍。隨後起程。先說黃忠傳令。來日四更造飯。五更結束。平明進兵。取左邊山路而進。却說魏延歸寨中。暗使人探知黃忠甚時起兵。探事人回報。來日四更造飯。五更起兵。魏延暗喜。分付眾軍士。二更喫飯。三更起兵。

平明要到鄧賢寨邊。原來兩箇分定。黃忠打冷苞寨。魏延打鄧賢寨。黃忠魏延寨都在涪城外屯駐。相隔六七里遠。因此不聽得。當夜魏延教軍士都飽食了一頓。馬摘鈴。人銜枚。捲旗束甲。暗地去劫寨。三更前後。離寨前進到半路。魏延馬上尋思。只去打鄧賢寨。不顯能處。不如先去打冷苞寨。却將得勝兵打鄧賢寨。兩處功勞都是我的。就馬上傳令。教軍士都投左邊山路裏去。天色平明。離冷苞寨

不遠。教軍士少歇。排棚金鼓旗幡。鎗刀器械。伏路小軍飛報入寨。冷苞寨中已有準備了。等候多時。一聲砲響。三軍上馬殺將出來。魏延縱馬提刀去迎冷苞。二將交馬。戰到三十合。川兵分兩路來。襲漢軍後面。漢軍半夜走的力乏。抵當不住。退後便走。魏延聽得背後陣脚亂。撇了冷苞。撥回馬走。漢軍大敗。川兵隨後赶上。走不得五里。山背後鼓聲震地。鄧賢引一彪軍。從山谷裏截出來。兩員川將背

後大叫。魏延快下馬受降。正走。馬忽失前蹄。雙足跪地。翻身將魏延掀將下來。鄧賢馬先奔到。挺鎗來刺魏延。鎗未到處。弓弦響。鄧賢倒撞下馬。後面冷苞來救。一負大將。從山坡上跳下馬來。厲聲大叫。老將黃忠在此。舞刀直取冷苞。冷苞抵敵不住。望後便走。黃忠乘勢追趕。川兵大亂。黃忠一枝軍救了魏延。殺了鄧賢。直赶到寨前。冷苞回馬與黃忠又戰。不到十餘合。後面軍馬擁將上來。冷苞不入。

寨棄了左寨。却引敗軍來投右寨。見營中旗幟全別。冷苞大驚。兜住馬。回頭看時。當頭一員大將。金甲錦袍。乃是劉玄德。左邊劉封。右邊關平。三路背後接應。乘勢奪了鄧賢寨子。冷苞兩頭無路。取山僻小徑。要回雒城。行不到十里。兩邊路狹。伏兵俱起。搭鈎齊舉。把冷苞活捉了。原來却是魏延。自知其罪犯。無可解釋。收拾後軍。令蜀兵引路。伏在這裏。等箇正着。用索縛了冷苞。解投玄德寨來。却說玄

德立起免死旗。但川兵倒戈卸甲者。并不許殺害。如傷者。償命。其降兵盡拜於地。玄德曰。汝川中皆有父母妻子所牽。如願降者。充作軍數。不願降者。放回。於是歡聲動地。感恩非淺。於是黃忠安下寨脚。迺來見玄德。說魏延亂了軍法。可斬之。玄德教喚魏延。魏延解冷苞至面前。玄德曰。雖然有罪。此功可贖。令魏延謝黃忠救命之恩。今後毋得相爭。魏延頓首伏罪。玄德重賞黃忠。仍囑付曰。在意幹功。

收了成都。定擬名爵。押過冷苞。來到帳下。玄德教去其縛。取酒來壓驚。問曰。汝肯降否。冷苞曰。既蒙免死。如何不降。劉瓚張任與某為生死之交。如蒙放免。前去招安來降。就獻雒城。玄德大喜。便賜衣服鞍馬以送之。魏延曰。此人不可放免。若脫身一去。不復來矣。玄德曰。吾以仁義相待。如其不來。是彼之心不實也。不必計較。冷苞得回雒城。見劉瓚張任。不說捉去放回。只說被我殺了十餘人。奪得馬。

匹逃回。劉瓚慌差人往成都求救。劉璋聽知拆了鄧賢。心中大驚。慌忙聚眾商議。忽一人進曰。兒額領兵前去守把雒城。乃劉璋之子。劉循也。璋曰。既吾兒肯去。誰肯相輔。親屬將軍吳懿出曰。某願往。懿之妹嫁劉璋之兄劉瑁。瑁死其妹尚在。劉璋曰。得尊舅去最好。誰可為副將。吳懿保吳蘭。雷銅二人為副將。點二萬軍馬。來到雒城。劉瓚張任接着。說失了前寨。拆了鄧賢。吳懿曰。兵臨城下。難以拒敵。汝等有何高見。冷苞

曰。此間一帶。正靠涪江。江水太急。前面寨占山脚。其形最低。可先乞五千軍。各帶鋤鋤。當夜潛去。決涪江之水。可盡淹死劉備之軍也。吳懿曰。須着便行。勿令知覺。遣吳蘭。雷銅。引兵接應。冷苞約會定。去辦決江器械。却說玄德令黃忠。魏延各守一寨。自回涪城。與軍師龐統商議。細作報說。東吳孫權遣人結搆東川張魯。將欲來攻葭萌關。玄德驚曰。若葭萌有失。截斷後路。吾進退不得。當如之何。龐統

喚孟達曰。汝蜀中人。多知地理。却去守葭萌。關如何。達曰。某保一人。廣通漢書。深知民心。某與同守關。萬無一失。玄德問何人。達曰。在荊州曾跟劉表為中郎將。南郡枝江人。姓霍名峻。字仲邈。玄德大喜。遂即時遣孟達。霍峻守葭萌關去了。龐統退歸館舍。門吏忽報。有客特來相訪。統出迎接。見其人身長八尺。形貌甚偉。頭髮截短。披於頸上。衣服不甚整齊。統問曰。先生何人也。其人不答。遂上統正面。

床上仰臥不應。統甚疑之。乃再三請問。其人曰。汝等罷了賓客。當與汝說知天下大事。統聞之。慌進酒食。其人起而便食。並無謙遜。飲食甚多。食罷。又睡。統疑惑不定。使人請法正視之。恐是細作。法正慌忙到來。統出迎接。法正曰。有一人如此如此。法正曰。莫非永年乎。陞階視之。其人一躍而起。曰。孝直別來無恙。斯人畢竟是誰。且聽下回分解。

落鳳坡箭射龐統

二人相見大咲。龐統問之。正曰。此公乃廣漢人也。姓彭。名叢。音模字永年。是蜀中之豪傑。因言語毀謗劉璋。被璋髡鉗為徒隸。因此髮短。統以師禮待之。問從何而來。叢曰。吾特來救汝。數萬人性命。見劉將軍。方可說之。法正慌報玄德。玄德親自謁見。請問其事。叢曰。將軍有多少軍馬在前寨。玄德實告。有黃忠魏延在彼。叢曰。為將之道。豈不知地理乎。前寨緊靠涪江。若決其水。前後以兵塞之。一人無可

逃也。玄德大悟。彭萊曰。罡星在西方。太白臨於此地。有不吉之事。不告之。則軍亡矣。玄德即時拜彭萊為幕賓。使人密報黃忠。魏延。朝暮用心巡警。以防決水。黃忠。魏延會議。二人各輪一日。如遇敵軍到來。互相通報。却說。冷苞見當夜風雨大作。引了五千軍。迤循江邊而進。安排下手。等候決江。直聽得後面喊聲亂起。知有準備。急急回軍。前後衝突。各不相顧。冷苞奪路而走。正撞着魏延。活捉了冷苞。

比及吳蘭雷銅來接應時。又被黃忠一軍殺退。魏延解冷苞到涪城。玄德責冷苞曰。吾以仁義相待。放汝回去。何敢再來。今次難饒。將冷苞推出斬之。重賞魏延。教回本寨中去。玄德設宴管待彭萊。忽有人報說。荊州諸葛亮軍師。特遣馬良至此。玄德召入問之。馬良禮畢。曰。荊州平安。不勞主公憂念。遂呈上軍師書。玄德拆封觀之。畧云。亮筭太乙數。今年歲次癸巳。罡星在西方。又觀乾象。太白臨於雒

城之分。主於將帥身上多凶少吉。宜謹慎之。玄德看了書。教馬良先回。玄德曰。吾亦回荊州論此事。龐統暗自思忖。孔明怕我取了西川。故意將此書相阻耳。我命在天。豈在人乎。龐統對玄德曰。我亦筭太乙數。已知罡星在西。應主公合得西川。別不主凶事。統亦夜占天文。見太白臨於雒城。斬蜀將泠苞。以應凶兆矣。主公不可疑心。可急進兵。玄德見龐統再三催促。乃引軍前進。黃忠魏延接入寨去。

龐統問法正曰。前至雒城。有多少路。法正畫地作圖。玄德取張松所遺圖本對之。並無差錯。法正言山北有條大路。正取雒城東門。山南有條小路。却取雒城西門。兩條路皆可進兵。龐統令魏延為先鋒。取南小路而進。主公令黃忠作先鋒。從山北大路而進。並到雒城取齊。玄德曰。吾自幼熟於弓馬。多行小路。軍師可從大路去取東門。吾取西門。龐統曰。大路必有軍邀攔。主公引兵當之。統取小路。玄

德曰。軍師不可。吾夜夢見一神人。手執鐵棒。擊吾右臂。覺來猶自臂疼。此行莫非不佳。龐統曰。壯士臨陣。不死帶傷。理之自然也。何故以夢寐之事。易疑其心乎。玄德曰。吾所疑者。孔明之書也。軍師還守涪城如何。龐統大咲曰。主公被孔明之惑也。不令統立功名。故有此言。以疑其心。心疑。則致夢矣。何凶之有。統肝腦塗地。方稱本心。主公再勿多言。來早准行。當日傳下號令。軍士五更造飯。平明上馬。

比及黃忠。魏延。兩軍先行。玄德再與龐統約會。忽坐下馬眼生前失。把龐統掀在馬下。玄德跳下馬。自來籠住那馬。玄德曰。軍師何故乘此劣馬。龐統曰。此馬乘久。不曾如此。玄德曰。臨陣眼生。誤人性命。吾騎白馬性馴熟。軍師可騎。萬無一失。劣馬吾自乘之。玄德與龐統更換所騎之馬。龐統謝曰。深感主公厚恩。雖萬死。亦不能報也。遂各上馬。取路而進。玄德見龐統去。意甚慘傷。自覺心下不快。悵悵

而行。却說雒城中吳懿。劉瓚。聽知折了冷苞。遂乃一處商議。張任曰。城東南門山僻有一條小路。最為緊要。某自引一軍守之。諸公緊守雒城。勿得有失。人報漢軍分兩路前來攻城。張任引三千軍先來抄小路埋伏。見魏延兵過。張任教儘放過去。休得驚動。張任軍見龐統軍來。遙指中軍大將騎白馬者。必是劉備也。張任大喜。傳令教如此如此。却說龐統迤邐前進。擡頭見兩山逼窄。樹木叢雜。又值

夏末秋初。枝葉茂盛。龐統心下甚疑。勒住馬。
教問此處是何處。數內有蜀中新降軍士。指
道此處地名落鳳坡。龐統大驚。曰。吾道號鳳
雛。此處名落鳳坡。應吾休矣。令後軍疾退。山
坡前一聲砲響。箭如飛蝗。只望騎白馬者便
射。可憐龐統死於亂箭之下。後史官有詩曰。
胸襟如渾沌。天地總包羅。報國機謀遠。收
川氣槩多。聲名垂竹帛。忠義冠山河。堪嘆
無陽壽。星辰落鳳坡。

後陳子昂遊川有詩曰

古峴相連紫翠堆。士元有宅傍山隈。兒童
慣識呼鳩曲。閭巷曾聞展驥才。預計三分
平刻削。長驅萬里獨徘徊。誰知天狗流星
隊。不使將軍衣錦回。

又宋賢有詩曰

三國紛紛多俊英。堪憐龐統善談兵。誰知
落鳳坡前客。獨顯南陽一孔明。

說云孔明
沒於孔明休

鹿李密死於斷密
澗黃巢滅於黃林

先時東南有童謠云

一鳳并一龍。相將到蜀中。纔到半路裏。鳳
死落坡東。風送雨。雨隨風。隆漢興時蜀道
通。蜀道通時只有龍。

贊曰。軍師義至。雅氣曄曄。致命明主。忠情
發臆。惟此義宗。亡身報德。

龐統年三十六歲而亡。當日。張任射死龐統。
衆軍擁塞進退不得。死者大半。前軍飛報魏
延。慌勒兵欲回。為山路逼窄。廝殺不得。又被

張任截斷歸路。只在高阜處用強弓硬弩射之。魏延心慌。新降蜀兵曰。不如殺奔雒城下。取大路而進。延曰。也是當先開路。殺奔雒城而來。塵埃起。前面一軍殺來。魏延大驚。拍馬舞刀。呼軍士死戰。乃雒城守將吳蘭。雷銅。兩騎馬當先。引數千軍馬。前面殺到。後面張任殺來。兩邊夾攻。圍在垓心。魏延死戰。不能得脫。但見吳蘭。雷銅後軍自亂。二將慌回去救。魏延乘勢趕去。當先一將舞刀拍馬大叫文。

長。吾特來救汝。視之。乃老將黃忠也。兩下夾
攻。殺敗吳雷二將。衝去雒城之下。劉瓚引軍
殺出。却得玄德在後當住接應。黃忠魏延翻
身便回。玄德軍馬比及奔到寨中。張任軍馬
又從小路裏截出。趕來的是劉瓚。吳蘭。雷銅。
劉玄德守不住二寨。且戰且走。奔回涪城。蜀
兵得勝。迤邐趕來。玄德人困馬乏。那裏有心
廝殺。且只要走。將近涪城。張任一軍追趕至
緊。左邊是劉封。右邊是關平。二將引三萬力

生兵截出。殺退張任。還趕二十里。奪回戰馬。極多。玄德一行軍馬。再入涪城。問龐統消息。有落鳳坡逃得性命的軍士。言說軍師連人帶馬。亂箭射死於坡前。玄德望西痛哭不已。遙為招魂設祭。諸將皆哭。黃忠曰。今番拆了龐統軍師。張任必然來攻打涪城。如之奈何。不若差人往荊州請諸葛軍師來。商議收川之計。正說之間。人報張任引軍直臨城下。搦戰。黃忠。魏延。皆要出迎。玄德曰。銳氣新挫。宜

堅守以待軍師來到。黃忠、魏延謹守城池。玄德寫了一封書，叫關平分付你與我往荊州請取軍師去。關平領了書，辭別，自往荊州來。玄德自守涪城，不出戰。却說那孔明在荊州時，當七夕佳節，大會衆官夜宴，共說收川之事。孔明見正西一星，其大如斗，從天墜下，流光四散。孔明失驚，擲盃在地，掩面大哭曰：「哀哉！痛哉！」衆官慌問其故。孔明曰：「吾前者冀今年彗星在西方，不利於軍師。天狗犯於吾軍，

太白臨於雒城。已拜書於主公。教謹防之。誰想今夕西方星墜。龐士元命必休矣。言罷大哭曰。今吾主公卷一臂矣。衆官皆驚。未信其言。孔明曰。衆官等且休散。飲幾盃去。數日之內。必有消息。衆官是夕酒不盡歡。各散。數日內。雲長等正坐間。人報說關平來到。衆官皆驚。主公有書。孔明視之。乃於本年七月初七日。軍師龐統被張任在落鳳坡箭射身故。孔明并衆官皆哭聲不絕。孔明曰。既然主公在

涪城進退兩難之際。亮不得不去。目下便行。
雲長曰。軍師此去。誰人保守荊州。荊州乃重
地。干係非輕。孔明曰。主公雖不寫書來。吾已
知其意了。順天者昌。手指出那人。便為守荊
州之主。指出是何人來。且聽下回分解。

張益德義釋嚴顏

却說孔明將玄德書對眾官曰。主公書中把
荊州托在我身上。教我自量才委用。雖是如
此。今教關平賁書前來。其意欲雲長公當此。

重任。雲長想桃園結義之情。竭力守之。據此
之地。止當曹操東敵孫權。非小可之事也。公
宜勉之。雲長更不推辭。慨然領諾。孔明設一
宴。交割印綬。雲長雙手來接。孔明擎着印。這
干係都在將軍身上。雲長曰。大丈夫既領重
任。除死方休。孔明見雲長說這箇死字。心中
不悅。欲待不與其言。已出。孔明曰。倘曹操引
兵來到。當如之何。雲長曰。以力拒之。孔明又
曰。倘曹操孫權齊起兵來。如之奈何。雲長曰。

分兵拒之。孔明曰：「不然。若如此，則荊州危矣。吾有八箇字，將軍記取，可保守荊州。」雲長問之。孔明曰：「北拒曹操，東和孫權。」雲長曰：「軍師之言，當銘肺腑。」孔明遂與了印綬，令文官馬良、伊籍、向朗、糜竺、武將糜芳、廖化、關平、周倉一班兒輔佐雲長，同守荊州。先撥精兵一萬，教張飛部領取條大路，殺奔巴州。雒城之西，先到者為頭功。孔明撥一枝兵，教趙雲為先鋒，沂音素江而上，會於雒城。孔明隨後引簡雍

蔣琬。琬字公琰。零陵湘鄉人也。乃荆襄名士。為書記。引兵一萬五千。同日酌別起行。先說張飛領本部軍馬。臨行時。孔明囑付曰。西川豪傑甚多。不可輕敵。於路戒約三軍。勿得掠擄百姓。以失民心。所到之處。並皆存恤。人生於世。惟德可以服衆。勿得恣逞殘暴。百姓鞭撻士卒。望將軍早會雒城。不可有誤。張飛欣然領諾。上馬而去。迤邐前行。所到處。但降者秋毫無犯。遂取漢川路。前至巴郡。哨馬回報。

巴郡太守嚴顏。乃蜀中名將。年紀雖高。精力未衰。善開硬弓。使大刀。有萬夫不當之勇。據住城廓。不豎降旗。張飛教離城十里下住大寨。差人入城去。說與老匹夫。早早來降。饒你滿城百姓性命。若不歸順。即踏平城廓。老勇不留。却說嚴顏在巴郡。聞劉璋差法正請玄德入川。拊心而嘆曰。此所謂獨坐窮山。放虎自衛者也。後聞玄德據住涪城。累欲提兵去。又恐這條路上有兵來。聞知張飛兵來。點起

本部五六千人馬。準備迎敵。數內有中原人。
告曰。張飛在當陽長坂。一聲喝退曹兵百萬
之衆。操聞風而避之。今若到來。只宜深溝高
壘。堅守。不可迎敵。彼軍無糧。不過一月。自然
退去。更無張飛性如火。專要鞭撻士卒。如
不與戰。必責於軍。軍心一變。乘勢擊之。張飛
可擒也。嚴顏從其言。教軍士盡數上城守護。
忽見一軍。大叫城門。嚴顏教放入。問之。那軍
士盡把張飛言語。依直便說。嚴顏大怒。罵匹

夫。怎敢無禮。吾歸川中許多年。豈降賊乎。借
你口說與張飛。喚武士。把軍人割下耳鼻。却
放回寨。軍人見張飛。哭告。嚴顏如此毀罵。張
飛大怒。咬牙睜眼。披掛上馬。引數百騎來巴
州城下搦戰。城上衆軍百般痛罵。張飛性起。
幾番殺到吊橋。要過護城河。又亂箭射回。到
晚。全無人出。張飛忍一肚氣還寨。次日早晨。
引馬軍又去搦戰。那嚴顏在城敵樓上。一箭
射中張飛頭盔。飛指而恨曰。若拏住你這老

匹夫。我親自食你肉。到晚空回。第三日。張飛引了軍沿城去罵搦戰。原來那座城子是箇山城。週圍都是亂山。張飛自乘馬登山。下視城中。見軍士盡皆披掛。分列隊伍。伏在城中。只是不出。又見民夫來來往往。搬磚運石。相助守城。張飛教馬軍下馬。步軍皆坐。引他出敵。並無動靜。又罵了一日空回。張飛在寨中自思。無計可施。猛然思得一計。教衆軍不要前去搦戰。都結束了。只在寨中等候。却教王

五十軍。直去城下。叫罵。引嚴顏軍出來。便與
廝殺。張飛磨拳擦掌。只等敵軍來。小軍連罵
了三日。全然不出。張飛眉頭一縱。又生一計。
傳令教軍士四散砍打柴草。尋覓路途。不來
搦戰。嚴顏在城中。連日不見張飛動靜。心中
疑惑。着十箇軍扮作張飛砍柴的軍。潛地出
城。雜在軍內。入山中探聽。當日諸軍回寨。張
飛坐在寨中。頓足大罵。嚴顏老匹夫。枉氣殺
我。只見帳前三四箇人。說道將軍不須心焦。

這幾日打探的一條小路。可以偷過巴郡。張飛故意大叫曰。既有這箇去處。何不早來說。衆應曰。這幾日却纔哨探得出。張飛曰。事不宜遲。只今夜二更造飯。趁三更明月。拔寨都起。人卸枚。馬去鈴。悄悄而行。我自前面開路。汝等依次而行。傳令了。便滿寨告報。探細的軍聽得這箇消息。盡回城中來。報與嚴顏。顏大喜曰。我笑定這匹夫。忍虧不得。你偷小路過去。須是糧草輜重在後。我截住後路。你如

何得過。好無謀匹夫。中吾之計。即時傳令。教軍士盡皆準備赴敵。今夜二更也造飯。三更出城。伏於樹木叢雜去處。只等張飛過咽喉。小路去了。車仗來時。只聽鼓響。一齊殺出。傳了號令。看看近夜。嚴顏全軍盡皆飽食。披掛停當。悄悄出城。四散埋伏。只聽鼓響。却說嚴顏引十數騎裨將。下馬伏於林中。看時約三更已後。遂望見張飛親自在前。橫矛縱馬。悄悄引軍前進。去不得三四里。背後車仗人馬。

陸續進發。嚴顏見得不曉。一齊擂鼓。四下伏
兵盡起。正來搶奪車仗。背後一虜軍掩到。大
喝一聲。老匹夫休走。我等的你恰好。嚴顏猛
回頭看時。為首一員大將。豹頭環眼。燕頤虎
鬚。使丈八矛。騎深烏馬。乃是燕人張飛。四下
裏鼓聲大震。衆軍殺來。嚴顏見了張飛。舉手
無措。交馬戰不十合。張飛賣箇破綻。嚴顏一
刀砍來。張飛閃過。撞將入去。扯住嚴顏勒甲
條。生擒過來。擲於地下。衆軍向前用索綁縛。

住了。原來先過去的是假張飛。料道嚴顏擊鼓為號。張飛教鳴金為號。金響。諸軍齊到。大半棄戈卸甲而降。殺到巴郡城下。後軍已自入城。張飛教休殺百姓。告報安民。羣刀手把嚴顏推至。飛坐於廳上。嚴顏不肯跪下。飛怒目咬牙。大叱嚴顏曰。大將到此。為何不降而敢拒敵乎。嚴顏全無懼色。回叱飛曰。汝等無義。侵我州郡。但有斷頭將軍。無降將軍。飛大怒。喝左右斬來。嚴顏喝曰。賊匹夫。砍頭便砍。

何怒色也。張飛見嚴顏。聲音雄壯。面不改色。飛忙大咲。下堦。喝退左右。親自解其縛。取衣與之。扶在正中高坐。低頭便拜。曰。適來言語冒瀆威容。甚勿見責。吾素知老將軍乃世之真丈夫。便進酒壓驚。以上賓待之。嚴顏感其恩義。安身無措。後有贊嚴顏詩曰。

白髮居西蜀。清名震大邦。忠心如皎月。浩氣捲長江。寧可斷頭死。安能屈膝降。巴州嚴老將。天下更無雙。

後史官亦有贊張飛詩曰

怒氣沖冠髮。威聲砍將頭。英雄萬夫勇。談
笑一時休。先主多洪福。將軍用計謀。三分
稱大義。功業震西州。

後宋賢讚嚴顏之德有詩曰

昂昂器宇鎮江山。視死如歸若等閒。欲識
世間豪傑士。斷頭大將是嚴顏。

又題張飛絕句詩曰

百將傳中標異蹟。武臣廟內紀奇功。皆因

義釋嚴顏計。奪得西川報主公。

又詩云

生獲嚴顏勇絕倫。惟憑仁義化軍民。至今
巴蜀聲名在。社酒鷄豚日日春。

張飛請問入川之計。嚴顏曰。敗軍之將。荷蒙
厚恩。嚴顏無可以報。願施犬馬之勞。不須張
弓隻箭。逕取成都。以肅萬一。張飛拱手稱謝。
以求收川之策。其計何如。且聽下回分解。

孔明定計捉張任

張飛問計於嚴顏。顏曰：「從此取雒城。凡守禦關隘，計寨柵共三十餘處，都是老夫所管官軍，皆出於掌握之中。今感將軍之恩，無可以報。老夫當為前部。所到之處，盡皆喚出拜降。不必將軍動鎗刀。」張飛稱謝不已。自此安民賞軍，於路進發。凡到之處，盡是嚴顏所管。都喚出投降。有遲疑未決者，嚴顏曰：「我尚且投降，何況汝乎？」於是望風歸順，並不曾廝殺一場。却說孔明已具起程日期，去報玄德教都

會聚雒城。玄德與衆官商議。今孔明、益德分
兩路取川。會於雒城。同入成都。水陸車舟已
於七月二十日起行。此時將及待到。今我等
便可進兵。黃忠曰：「張任每日來搦戰。見城中
不出。彼軍懈怠。不做準備。今日夜間分兵劫
寨。勝如白日廝殺。」玄德從之。教黃忠引兵取
左。魏延引兵取右。玄德取中路。當夜二更。三
路軍馬齊到。張任果然不做準備。衆入大寨。
火光竟起。蜀兵奔走。連夜只趕到雒城。城中

兵接應入去。玄德還中路下寨。次日引兵直到雒城。軍兵不出。圍住攻打。二晝夜不絕。城中商議。張任曰。儘教攻打。待他力乏。然後以兵擊之。備可擒也。攻城到第四日。玄德自提一軍攻打西門。却說雒城背後黃忠。魏延。在東門攻打。留南門北門放軍行走。南門是山路。北門有涪水。因此不圍。張任望見玄德在西。騎馬往來指揮打城。從辰至未。人馬力乏。玄德却待要退。張任教吳蘭。雷銅。二將引軍

出北門。轉東門去。敵黃忠、魏延。我自引軍出南門。轉西門。單提劉備。城內盡撥民兵上城。擂鼓助喊。玄德見紅日平西。教後軍先退。軍士方回身。城上一片聲喊起。南門內軍馬突出。張任迤來軍中。提玄德。玄德軍中大亂。黃忠、魏延又被吳蘭、雷銅敵住。兩下不能相顧。玄德敵不住張任。撥馬望山僻小路而走。張任從背後趕來。看看赶上。玄德獨自一人一馬。張任引數騎趕來。玄德正望前儘力加鞭。

忽山路一軍出。玄德馬上叫苦曰。前有伏兵。後有追兵。天亡我也。迎近前去。當頭一負大將。乃燕人張飛。正從那條路上來。望見塵埃起。知與川兵交戰。張飛當先而來。玄德有天子洪福。張飛正撞見張任。便就交馬。兩負將戰到十餘合。背後嚴顏引兵大進。張任火急回身。張飛只趕到城下。張任退入城中。拽起吊橋。張飛回見玄德曰。軍師沂江而來。尚且未到。反被我奪了頭功。玄德曰。山路險阻。如

何無軍阻當。長驅大進。先到於此。張飛曰。於路關隘四十五處。皆出老將嚴顏之功。把義釋嚴顏一事。從頭說了。因此於路並不曾費分毫之力。只顧飲酒食肉至此。引嚴顏見玄德。玄德謝曰。若非老將軍。則吾弟安能到此。即時便脫身上黃金鎖子甲以賜之。嚴顏得賜拜謝。正待安排宴飲。忽聞哨馬回報。黃忠魏延。正和川將吳蘭雷銅交鋒。城中吳懿劉瓚。又引軍助戰。二將雖能。軍士先走。因此當

抵不住。大敗望東去了。張飛曰。却好俺在這
廝背後。遶城分兵兩路殺來。張飛在左。玄德
在右。吳懿劉瓚見後面喊聲大起。慌退入城
中。吳蘭雷銅急退。却被玄德張飛截住歸路。
黃忠魏延又在前面。吳蘭雷銅商議。不如投
降。因此二人將本部軍馬前來投降。玄德准
降。因此收兵近城下寨。却說張任見降了二
將。心中憂慮。吳懿劉瓚曰。兵勢甚危。不決一
死戰。如何得兵退。一面差人入成都見主公。

告急。一面用計敵之。張任曰。某來日領一軍
搦戰。詐敗引轉城北。二將內可用一人。引軍
衝出截斷其中。可獲勝也。吳懿曰。劉將軍相
輔公子守城。約會已定。次日。張任引數千人
馬。搖旗吶喊。出城搦戰。張飛曰。小弟願往。上
馬出戰。更不答話。與張任交鋒。戰不到十餘
合。張任詐敗。遶城而走。張飛盡力追之。吳懿
一軍截住。張任引軍復回。把張飛圍在垓心。
進退不得。比及玄德引軍來救時。一隊軍從

江邊殺出。正遇吳懿。當先一員大將。挺鎗躍馬。與吳懿交鋒。只一合。生擒吳懿。戰退敵軍。救出張飛。視之。乃常山趙子龍也。飛問軍師何在。雲曰。先使我來解救。料想此時。已與主公相見了也。二人擒吳懿回寨。張任自退入東門去了。張飛趙雲回寨中。見玄德。其孔明簡雍。蔣琬。已在帳中。飛下馬來。參軍師。孔明大驚。問曰。如何先到。玄德說義釋嚴顏之事。孔明賀曰。乃主公洪福。將軍用謀。立此莫大。

之功。可以勒之金石。萬年稱讚。趙雲解吳懿見玄德。玄德曰。汝降否。吳懿曰。某既被捉。如何不降。玄德大喜。待為上將。孔明問城中有幾人守城。吳懿曰。有劉季玉之子劉循。輔將劉瓚。張任。劉瓚不打緊。有張任。蜀郡人。家寒。極有膽畧。此人不可輕敵。孔明曰。先捉張任。然後取雒城。問城東這座橋甚名。吳懿曰。金鴈橋。孔明遂乃乘馬來到橋邊。遶河俱看了。回到寨中。喚黃忠。魏延聽令。各引一千軍。離

金鴈橋。從南五六里。兩岸都是蘆葦蒹葭。可
以埋伏。魏延引一千鎗手在左邊。車戩鞍上
將。黃忠引一千刀手右邊。車砍坐下馬。殺開
士卒。張任必投山東小路而走。張益德引一
千軍伏在那裏。張任就彼處擒之。喚趙雲伏
於金鴈橋北。待我引張任過橋。你便將橋拆
斷。却勒兵於橋北。遙為之勢。使張任不敢望
北走。退投南去。却好中計。調遣已定。軍師自
去誘敵。却說劉璋差卓膺張翼二將前來助

戰。二將見劉循畢。張任教劉瓚張翼二將守城。自與卓膺為前後二隊。任為前隊。膺為後隊。出城迎敵。孔明引一隊不整不齊軍。過金鴈橋來。與張任對陣。孔明乘四輪車。綸巾羽扇而出。兩邊百餘騎簇捧。遙指張任曰。曹操百萬之衆。聞吾之名。望風而走。今到此地。何為不降。張任看見孔明軍伍不齊。馬上冷笑曰。人都說諸葛亮用兵如神。原來有名無實。把鎗一招。大小軍校齊殺過來。孔明棄了四

輪車上馬。退步過橋。張任從背後趕來。過了金鴈橋。見玄德軍在左。嚴顏兵在右。來殺張任。張任知是計。急回軍時。橋已拆斷了。欲投北去。趙雲一軍隔岸擺開。因此投南遶河而走。走不到五七里。蘆葦叢雜去處。魏延一軍長鎗一帶。從蘆葦中忽起。只殺鞍上將黃忠一軍。各用長刀伏在蘆葦內。只剝馬蹄。馬軍盡倒。皆被執縛。步軍那裏敢來。張任引數十騎望山路而走。正撞着張飛。力生軍擺開。張

飛大喝一聲。衆軍齊上。將張任活捉了。原來卓膺見張任中計。已投趙子龍軍前降了。一發都到大寨。玄德賞了卓膺。張飛解張任到玄德前。孔明亦坐於帳中。玄德與張任曰。蜀中諸將。望風而降。汝何不早投拜。張任睜目大怒而叫曰。忠臣豈肯事二主乎。玄德曰。汝不識天時耳。降即免死。任曰。今日便降。久後也不降。願早喫一刀。玄德不忍殺之。張任厲聲高罵。孔明喝令斬之。以全其名。後人有詩

贊張任曰

老將安能扶二主。張任忠勇死猶生。高名

正似天邊月。夜夜流光照雒城。

至今墳墓猶存為土

神有廟在雒城東

玄德感嘆不已。令收屍首。葬於金鴈橋側。以表其忠。次日。令嚴顏、吳懿等。蜀中降將為前部。直至雒城。大叫早開門受降。免一城生靈受苦。劉瓚在城上大罵蜀諸將。忽惱背後一人。殺倒從者。執縛劉瓚。開門納降。玄德軍馬

入雒城。劉循開西門走脫。投成都去了。玄德出榜安民。獻劉瑣者。乃武陽人也。姓張。名翼。字伯恭。玄德得了雒城。重賞諸將。孔明日。雒城已破。成都只在目前。惟恐外州郡不寧。可令張翼。吳懿。引趙雲撫外水。定江。捷為等處。所屬州郡。令嚴顏。卓膺。引張飛撫巴西。德陽。所屬州郡。就委官按治平靖。却勒兵回成都取齊。張飛。趙雲各自引兵前去。孔明問前去有何處關隘。蜀中降將曰。止有綿竹可以守。

禦。若得綿竹。

今則名

成都唾手而得。法正曰。不

可進兵。恐驚動成都人民。某有一計。令成都
便屬主公。試看法正進用何計可得。且聽下
回分解。

楊阜借兵破馬超

法正曰。主公既得雒城。蜀中危矣。欲以仁義
布於四方。且按兵不動。某作一書呈。陳說利
害。上與劉璋。璋自然降矣。孔明曰。孝直之言
最善。可以便作書。遣人逕往成都。却說劉循

逸回見父。說雒城已陷。慌聚衆官商議。益州從事廣漢鄭度獻策曰。今劉備懸兵罷我。兵不滿萬。士衆未附。野穀是資。軍無輜重。不如盡驅巴西梓潼之民。過涪水以西。其倉廩野穀盡皆燒除。深溝高壘。靜以待之。彼至請戰。勿許。久無所資。不過百日。彼兵自走。一擊而擒劉備耳。劉璋曰。不然。吾聞拒敵以安民。未聞動民以備敵也。此言非保全之計。正議間人報。法正有書至。劉璋喚入。呈上書。璋拆開。

視之。書曰

昨蒙遣差結好荊州。不意主公左右不得
其人。以致如此。今左將軍舊心依依。實無
薄意。望三思裁劃。音搜可圖變化。以保尊
門。不及進言。早賜回意示下。法正百拜

劉璋怒。扯其書。大罵法正忘恩失義之賊。責
主求榮。有何面目再相見乎。逐其人出城。即
時遣妻弟費觀。提兵前去守把綿竹。費觀舉
保一人同行。其人乃南陽人氏。姓李。名嚴。字

正方。費觀。李嚴。點三萬軍來守綿竹。益州太守董和。字幼宰。南郡枝江人也。上言與劉璋欲往漢中借兵。璋曰。張魯與吾世讐。安肯相救。和曰。雖然有讐。劉備軍在雒城。勢在危急之時。不得不救。況是唇齒之邦。唇亡則齒寒也。陳說利害。必然從之。修書遣使。前赴漢中。建安十八年秋八月。馬超自敗入羌胡。二載有餘。結好羌兵。攻拔隴西州郡。所到之處。盡皆歸降。惟冀城攻打連日不下。刺史韋康。字

伯奕累遣人求救於夏侯淵。淵不得。曹操言語未敢動兵。按住在長安。韋康見救兵不來。與衆商議。不如投降馬超。參軍楊阜字義山。突而諫曰。超等叛君無父之徒。此城中之人。有死無二。今欲陷身於不義也。康曰。不然。事已極矣。不降何待。阜苦諫不從。韋康大開城門。投拜馬超。超大怒曰。汝今事急請降。非真心耳。將韋康等四十餘口。盡皆斬之。不留老幼良賤一人。有人言楊阜勸韋康休降。可斬。

之。超曰。此人守義。不可斬之。復用楊阜為叅軍。冀城官軍梁寬。趙衢。皆楊阜所保。超盡用焉。忽楊阜告馬超曰。妻死於臨洮。告兩月假限。歸葬其妻。便回。馬超從之。楊阜過歷城。來見姜敘。敘與阜是姑表弟兄。姜敘乃受漢爵撫夷將軍。敘母大賢。是阜之姑。阜別馬超。迺來見姑。哭拜於地。而言曰。守城不能完。主亡不能死。愧無面目見姑。且馬超背父叛君。妄殺郡守。豈獨楊阜憂責。一州士大夫皆受其

恥。今吾兄坐據歷城。竟無討賊之心。此趙盾所以書弒其君。言罷。淚流出血。後人有詩曰。色胥向日哭秦庭。楊阜今朝慟歷城。欲報冤讐流血淚。千年萬載仰高清。

叙母聞知。喚姜叙入。責之曰。韋使君遇害。亦爾之罪。豈獨義山哉。母又謂阜曰。汝既降人。且食其祿。何故又興心討之。阜曰。吾從賊者。欲留殘生與主報冤也。叙曰。馬超英勇。急難圖之。阜曰。有勇無謀。容易圖之。吾已暗約下

梁寬趙衢使為內應。兄若肯興兵。梁寬趙衢必內應也。叙母曰。汝不早圖。更待何時。誰不有死。死於忠義者。死得其所也。勿以我為念。汝若不聽義山之言。吾先死矣。以絕汝念。叙乃便與統兵校尉尹奉趙昂商議。原來趙昂之子趙月。見跟馬超為裨將。趙昂當日應允。歸見其妻王氏曰。吾今日於姜叙揚旱。尹奉一處商議。欲報主人韋康之讐。早欲動兵。吾想其子趙月。見跟馬超。必被害矣。因此持慮。

未定。其妻厲聲應曰。雪君父之大恥。喪身不
足為重。何況一子哉。汝顧其子而不行。吾當
先死矣。趙昂乃決。次日。一同起兵。姜勑楊阜
屯冀城。尹奉趙昂屯祁山。王氏乃盡將首飾
資帛。亦親自往祁山軍中。賞勞軍士。以勵其
衆。後有詩曰。

趙昂妻王氏。催夫報主讐。卷身猶不重。滅
子復何愁。盡把家財散。親將士卒肅。三分
賢達婦。萬載姓名留。

馬超聽知姜勦。楊阜會合尹奉。趙昂用事。超大怒。即將趙月斬之。喚龐德。馬岱。盡起軍馬。殺奔冀城來。姜勦。楊阜引軍出。兩陣圓處。楊阜姜勦。衣白袍而出。大罵曰。背父叛君。無義之賊。馬超大怒。衝殺過來。兩軍混戰。姜勦。楊阜如何迭得馬超。大敗而走。馬超聚兵趕來。背後喊聲大起。尹奉。趙昂殺來。急回時。兩下夾攻。首尾不能相顧。正閉關。刺斜裏大隊軍馬殺來。原来是夏侯淵。却得曹操軍令。正領

軍來破馬超。超如何當得三路軍馬。大敗奔回。後面殺來。走了一夜。比及平明。已到冀城。叫門。城上亂箭射下。馬超大驚。梁寬。趙衢。立在城上大罵馬超。將馬超妻楊氏。從城上一刀砍斷。撇下屍首來。及將馬超父子三人。并至親十餘口。都從城上一刀一箇剝將下來。馬超氣噎塞胸。幾乎墜下馬來。背後夏侯淵引軍趕來。超見勢大。不敢當抵。與龐惠馬岱殺開一條路走。前面又撞見姜勍。楊阜殺了。

一陣衝得過去。又撞着尹奉趙昂殺了一陣。零零落落剩了五六十騎。連夜奔走。後軍不趕。四更前後。走到歷城下。守門者只道姜勦兵回。大開城門接入。超從城南門邊殺起。盡洗城中百姓。於姜勦宅內。掣出老母。年八十有二。勦母全無懼色。拍馬超大罵曰。汝背父無君。逆天之賊。天地久不容留汝。汝不早死。敢以面目視人乎。超大怒。自取劒殺之。後史官有詩曰。

賢哉姜勑母。勸子早興兵。報本如山重。捐軀若紙輕。王陵親可並。孟氏母重生。讀史應哀感。令人兩泪傾。

馬超殺尹奉趙昂全家。妻王氏在軍中免難。次日夏侯淵大軍至。馬超棄城殺出。望西而逃。行不得二十里。前面一軍擺開。為首楊阜。一超切齒而恨。拍馬挺鎗刺之。阜宗弟七人。一齊來助戰。馬岱龐惠敵住後軍。宗弟七人皆被馬超殺死。阜身中五鎗。猶然死戰。後面夏

侯淵大軍赶来。馬超遂走。只有龐惠馬岱。五
七騎後隨而去。夏侯淵自行安撫隴西諸州
人民。令姜叙等各各分守。用車載楊阜赴許
都見曹操。操封阜為關內侯。阜辭曰。阜君存
無扞難之功。君亡。無死節之效。於義當絀。音屈
於法當誅。超又不死。阜何顏受職。操曰。君與
羣賢共建大功。西土之人。以為美談。子貢辭
賞。仲尼謂之止善。君則剖心以順國命。阜後仕於
魏却說馬超與龐惠馬岱來投張魯。張魯得

馬超大喜。以其西可以吞併益州。東可以拒曹操。永保漢中之基業。商議欲以女招超為婿。大將楊柏諫曰。馬超父母妻子皆不願戀。豈能愛他人乎。於是張魯遂罷其事。有人對馬超曰。張將軍本以女招汝為婿。被楊柏阻之。超心不喜。有殺楊柏之意。楊柏知之。與兄楊松商議。欲尋遠害全身之計。正值劉璋遣使求救於張魯。魯不從。忽報劉璋又遣黃權到。先見楊松。說東西兩川實是唇齒。若西川

一破東川亦難保矣。若肯相救。當以二十州相贖。松大喜。即引黃權來見張魯。說唇齒利害。更以二十州相謝。魯喜其利。從之。巴西閭圃諫曰。劉璋與主公。有積世之讐。今事在至急。詐言割州之事。不可從之。忽墮下一人。昂然而進曰。某雖不才。願乞一旅之師。生擒劉備。務要割地以還。其人是誰。

段萌張飛戰馬超

張魯持疑未決。馬超挺身出曰。感主公之恩。

無可上報。顏引一軍攻取葭萌關。嚴劉備之
後。可生擒之。此時必要割二十州而還。主公
心下何如。張魯大喜。先遣黃權從小路而回。
點兵二萬與馬超。此時龐惠卧病不能行。留
於漢中。張魯令楊柏監軍。超與弟馬岱。選日
起程。却說玄德軍馬在雒城。法正所差之人
回報與玄德。今鄭度勸劉璋盡燒野穀。并各
處倉廩。大率巴西住種之民。而避於涪水迤
西。築溝高壘而不戢。玄德孔明聞之。皆大驚。

曰。若用此言。吾勢危矣。法正笑曰。主公勿憂。此計雖毒。劉璋必不能用也。後人傳劉璋有言。吾聞拒敵以安民。未聞動民以備敵也。玄德聞之。方始寬心。孔明曰。可速進兵以取綿竹。如得此處。成都易得矣。遂遣黃忠魏延領兵前進。費觀聽知玄德兵來。差李嚴出迎。嚴披掛了。領三千兵出。各布陣完。黃忠出馬。與李嚴戰四五十合。不分勝敗。孔明在陣中教鳴金收軍。黃忠入陣。問曰。正待要擒李嚴。軍

師何故收兵。孔明曰。吾已見李嚴武藝。不可力取。來日再戰。汝可詐敗。引入山峪。出奇兵勝之。黃忠領計。次日。李嚴再領兵來。黃忠又出戰。不十合。詐敗。引軍便走。李嚴趕來。迤邐趕入山峪而去。李嚴猛省。急待回來。前面魏延引軍擺開。孔明自在山頭喚曰。公如不降。兩下已伏強弩。欲與吾龐士元來報讐耳。李嚴慌下馬。卸甲投降。軍士不曾傷害一人。引見玄德。玄德待李嚴甚厚。嚴曰。費觀雖是劉

益州親某與甚密。當往說之。玄德即命行。嚴入綿竹城。對費觀贊玄德如此仁德。今若不降。必有大禍。觀從其言。開門投降。玄德遂入綿竹。商議分兵取成都。忽流星馬急報。言孟達霍峻守葭萌關。今被東川張魯遣馬超引兵攻打甚急。救遲則關隘休矣。玄德大驚。孔明曰。湏是張趙二將方可與敵。有人報張飛飛在外大喜。孔明曰。主公且勿言。容亮激之。張飛從外大叫而入曰。辭了哥哥便去戰馬。

超也。孔明故意佯不覲聽。對玄德曰。今馬超侵犯關隘。無人可敵。除非往荊州取關雲長來。方可與敵。張飛曰。軍師何故小覷吾。吾曾獨拒曹操百萬之兵。豈愁馬超一匹夫耳。孔明曰。張將軍據水斷橋。此是曹操不知虛實也。若知虛實。將軍豈得無事乎。況馬超有信布之勇。天下皆知。渭橋六戰。殺得曹操劖割鬚鬚。幾乎喪命。非等閑之比。汝兄雲長未必可勝。飛曰。我只今便去。如勝不得馬超。甘當

軍令。孔明曰。既尔肯寫文書。便為先鋒。請主公親自去一遭。諸葛亮守綿竹。待子龍來。却作商議。魏延曰。某亦願往。孔明命魏延帶五百哨馬先行。張飛第二。玄德押後。望葭萌關進發。却說馬超引兵扣關攻打。先使楊柏來叫道。霍峻早早獻關。我等重重保舉你。霍峻在關上高聲應曰。我頭可斷。關不可得。楊柏大怒。搦霍峻廝殺。不題。却說魏延哨馬先到關下。楊柏軍退十餘里。魏延出與楊柏戰。不

十合。楊柏敗走。魏延要奪張飛頭功。乘勢趕去。前面一軍擺開。為首乃是馬岱。魏延只道是馬超。舞刀躍馬而進。與岱戰不十合。岱敗走。延趕去。被岱回身一箭射中魏延左臂。急回馬走。馬岱趕至關前。一將聲如雷震。從關上一騎馬奔至面前。救了魏延。原來是張飛。初到關上。聽知關前廝殺。便來看時。正見魏延中箭。飛喝馬岱曰。汝是何人。先通姓名。然後廝殺不遲。馬岱曰。吾乃西涼州馬岱是也。

張飛曰。你原來不是馬超。快回去。非吾對也。
只令馬超那厮自來。說道。燕人張飛在此。馬
岱大怒曰。汝焉敢小覷我。挺鎗躍馬。直取張
飛。向前戰不十合。馬岱敗走。張飛欲待追趕。
關上一騎馬到來。叫兄弟且休去。飛回頭。原
來是玄德到。遂不趕。一同上關。備曰。恐怕你
性躁。先來到此。既然勝了馬岱。且歇一宵。來
日戰馬超。歇了一夜。次日天明。關下鼓聲大
震。馬超兵到。玄德在關上看時。門旗影裏。馬

趙縱騎持鎗而出。獅盔獸帶。銀甲白袍。一來
結束非凡。二者人才出衆。玄德嘆曰。人言馬
趙。名不虛傳。張飛便要下關。玄德急止之。言
兄弟且休出戰。先當避其銳氣。飛曰。何足道
哉。玄德當住。關下馬趙單搦張飛出馬。關上
張飛恨不得平吞馬趙。三五番皆被玄德當
住。看看午後。玄德望見馬趙陣上人馬皆倦。
遂選五百騎跟着張飛。衝下關去。馬趙見張
飛軍到。把鎗望後一招。約退軍有一箭之地。

張飛軍馬一齊扎住。關上軍馬陸續下來。張飛挺鎗出馬。大稱姓名。認得燕人張益德麼。馬超曰。吾家累世公侯。豈認得村夫乎。張飛大怒。兩馬齊出。二鎗並舉。約戰百餘合。不分勝敗。玄德觀之。嘆曰。真丈夫也。恐張飛有失。急鳴金收軍。兩馬並回。張飛回到陣中。畧歇馬片時。不用頭盔。只裹包巾。上馬又出陣前。搥馬超廝殺。超又出。兩箇再戰。玄德恐張飛有失。自披掛下關。直至陣前。看張飛與馬超

又開百餘合。兩箇精神倍加。玄德教鳴金收軍。二將分開。各回本陣。是日天色已晚。玄德與張飛曰。馬超英勇。不可欺敵。且退上關。來日再戰。張飛殺得性起。那裏肯休。大叫曰。誓死不回。玄德曰。今日天晚。不可戰矣。飛曰。多點火把。安排夜戰。軍士暗暗叫苦。馬超換了馬。再出陣前。大叫曰。張飛敢夜戰麼。張飛氣起。問玄德換了坐下馬。搶出陣來。叫曰。我捉你不得。誓不上關。超曰。我勝你不得。誓不回。

寨。兩軍吶喊。點起千百火把。照耀如同白日。兩將又向陣前鏖戰。到二十餘合。馬超撥回馬便走。張飛大叫曰。走那裏去。原來馬超見贏不得張飛。心生一計。詐敗佯輸。賺張飛趕來。暗掣銅槌在手。紐回身。覷着張飛便打來。張飛見馬超走。心中也隄防。見打過來。一閃。從耳邊朶過去。張飛便勒回馬走時。馬超却又趕來。張飛帶住馬。拈弓搭箭。回射馬超。超却閃過。二將各自回陣。玄德自於陣前叫曰。

吾以仁義相待天下之士。不施譎詐。馬孟起
你收兵歇息。我不乘勢赶你。馬超聞之。親自
斷後。諸軍漸退。玄德亦收軍上關。次日。張飛
又欲下關戰馬超。人報軍師來到。玄德接着
孔明。孔明曰。亮聞孟起。世之虎將。若與孟德
死戰。必有一傷。故令子龍漢升守住綿竹。星
夜而來。可用條小計。令馬超歸降主公。玄德
曰。吾見馬超英勇。甚愛之。如何可得。孔明曰。
亮聞東川張魯欲自立為漢寧王。手下謀士

楊松極貪賄賂。可以差人從小路送投漢中。先用金銀結好楊松。後進書與張魯云。吾與劉璋自爭西川。是與汝報讐。不可聽信離間之語。事定之後。保汝為漢寧王。玄德即時寫書。差孫乾賁金珠。從小路送至漢中。先來見楊松。說知此事。送了金珠。松大喜。先引孫乾見張魯弟張衛。亦進送了禮物。二人引孫乾見張魯。陳言方便。魯曰。玄德只是左將軍。如何保我為漢寧王。楊松曰。他是大漢皇叔。正

合保奏。張魯喜曰。既如此。差人便教馬超罷兵。孫乾只在楊松家聽回信。便回曰。馬超言未成功。不可退兵。楊松又差人去喚。又不肯回。一連三次不至。楊松曰。此人素無信行。不肯罷兵。其意必反。魯心亦疑。松亦流言對張衛說。馬超主意欲奪西川。自為蜀王。與父報讐。豈肯臣於漢中乎。張衛將此言告知張魯。魯問計於楊松。松曰。一面差人去說與馬超。汝既幹功。與汝一月限。三件功成。有賞。無則

必誅。一要取西川。二要劉璋首級。三要退荊州兵。三件事不成。可獻頭來。一面教張衛點軍守把關隘。防馬超兵變。差人到馬超寨中。說知此事。超大驚曰。如何變得恁的。與岱商議。不如罷兵。楊松又流言曰。馬超回兵。必懷異心。不可放入。張衛分七路軍。堅守隘口。要共廝殺。超進退不得。無計可施。孔明對玄德曰。今馬超正在狐疑不決之際。亮憑三寸不爛之舌。親往超寨。說馬超來降主公。其事如

何。且聽下回分解。

劉玄德平定益州

玄德曰。孔明乃吾之心腹也。倘有疎虞。吾必亡矣。雖有良謀。吾不忍令君去。孔明堅意要行。玄德再三拗住。正躊躇間。忽報子龍有書薦西川一人來降。玄德召入問之。其人乃建寧俞元人也。姓李。名恢。字德昂。玄德曰。向日聞公苦諫劉璋。今何故歸我也。恢曰。吾聞良禽相木而棲。賢臣擇主而佐。前諫劉益州者。

以盡人臣之心。既不能用。知必敗矣。今主公仁德布於蜀中。是知其必成也。故來歸之。是背暗投明。古人所貴。願垂察焉。玄德曰。先生此來。必有益於劉備也。恢曰。今聞馬超在此。進退兩難之際。恢昔在隴西。有一面之交。特來說馬超歸降。若何。孔明曰。正欲得一人替吾一往。願聞公之說詞。李恢於孔明耳畔陳說。如此如此。孔明大喜。即時遣李恢行。恢至超寨。先使人通姓名。馬超曰。吾知李恢平生。

好說詞。必來說我。先喚二十箇刀斧手。伏於帳下。超囑曰。令汝砍。即砍為肉醬。須臾李恢昂然而入。馬超端坐帳中不動。叱李恢曰。汝來為何。恢曰。特來作說客耳。超曰。吾匣中寶劍新磨。請汝試劍。恢曰。其言不通。便請試劍。遂笑曰。將軍之禍不遠矣。但恐新磨之劍不能試吾之頭。將欲自試矣。超曰。吾有何禍。恢曰。吾聞越之西子。善毀者不能閉其美。齊之無鹽。善美者不能掩其醜。脩短者不能用其

長造惡者不能為其善。日中則昃。月滿則虧。此天下之常理也。今曹操與將軍有殺父之讐。隴西有切齒之恨。前不能救劉璋而退荊州之兵。後不能制楊松而見張魯之面。目下四海難容。一身無主。若有渭橋之敗。冀城之失。何面見天下大丈夫乎。超頓首謝曰。公言極善。但超無路可行。恢曰。汝既欲聽吾言。帳外何故伏刀手乎。超盡叱退。恢曰。劉皇叔禮賢待士。吾知其必成。故捨劉璋而歸之。公何

不背暗投明。以圖上報父母之讐。下立金玉之德。可彰萬世之高名也。馬超大喜。喚楊柏入。一劍斬之。將頭共恢一同上關。來降玄德。玄德親自接入。待以上賓之禮。超頓首謝曰。今遇明主。乃撥雲霧而覩青天也。賓主大喜。孫乾已回。玄德復命霍峻並達守關。便撤兵來取成都。子龍黃忠接入綿竹。人報劉曄馬漢引軍到。子龍曰。某來未曾效尺寸之功。當擒此二人。言訖。上馬引軍出。玄德在城中管

待馬超喫酒。未曾安席。子龍斬二人之頭。獻於筵前。馬超亦驚。倍加敬重。超曰。不須主公軍馬廝殺。超自喚出劉璋來降。如不肯降。超自與弟馬岱取成都。雙手奉獻。玄德大喜。是日盡歡。却說敗兵回到益州。報劉璋。璋大驚。閉戶不出。人報城北馬超救兵到。劉璋方敢登城望之。見馬超馬岱立於城下。大叫請劉季玉答話。劉璋在城上問之。超在馬上以鞭指曰。吾本領張魯兵來救益州。誰想張魯聽

信楊松諛言。反欲害我。今歸降劉皇叔。汝可
開門納土拜降。免致生靈受苦。如或執迷。吾
先攻城矣。便宜回報。馬超說了。退軍下寨。劉
璋驚得面如土色。氣絕倒於城上。衆官救醒。
璋曰。吾之不明。悔之不及。不若開門投降。以
救滿城百姓。董和曰。城中尚有積兵三萬餘
人。錢帛糧草可支一年。况軍民皆有死戰之
心。願主公勿憂。劉璋曰。吾父子在蜀二十餘
年。無恩德以加百姓。攻戰三年。肉血捐於草

野皆我罪也。我心何安。不如投降。以安百姓。衆羣下聞之。無不墮淚。忽一人進曰。主公之言。正合天意。視之。乃巴西西充國人也。姓譙名周。字允南。此人素曉天文。璋問之。周荅曰。某夜觀乾象。見群星聚於蜀郡。其大星光如皓月。乃帝王之象也。況一載之前。小兒謠曰。若要喫新飯。須待先主來。此乃預兆。不可逆天道。黃權。劉巴。皆欲砍之。劉璋當住。人報蜀郡太守許靖。踰城投降。劉璋大哭歸宮。成都

之民盡皆感傷。次日人報劉皇叔下幕賓簡雍在城下喚門。璋令開門接入。雍坐車中。傲睨自若。忽一人掣劍大喝曰。小輩得志。傍若無人。汝敢藐眇音視吾蜀都人物耶。雍慌下車迎之。此人乃廣漢綿竹人也。姓秦。名宓。字子勅。雍笑曰。不識賢兄。幸勿見責。遂同入見璋。璋待為上賓。雍席間說玄德寬弘愛士。並無相害之意。一席話。說劉璋大喜。留住一宿。次日。劉璋賞印綬文籍。與簡雍同車出城投降。

玄德出寨迎接。握手流涕曰：「非吾不行仁義，
奈勢不得已也。」共入寨，交割印綬文籍，並馬
入城。玄德入成都，百姓香花燈燭迎門而接。
玄德到公廳，陞堂坐定。郡內諸官皆拜於堂
下。惟黃權、劉巴閉門不出。衆武官忿氣欲往
殺之。玄德慌忙傳令曰：「如有人害此二人者，
夷其三族。」因此蜀中文武盡皆歡服焉。玄德
親自登門，請此二人出仕。二人感玄德大恩，
乃出。孔明請曰：「今西川平定，難容二主，可將

劉璋送去荊州。玄德曰。吾方得郡。未可令李
王速去。孔明曰。劉璋失基業者。皆因太弱也。
主公若以婦人之仁臨事不決。恐此土難以
長久。玄德從之。設一大宴。請劉璋歸於府中。
收拾財物。佩領振威將軍印綬。令將妻子良
賤盡赴南郡公安住歇。即日起行。玄德自領
益州牧。其所降文武盡皆重賞。定擬名爵。嚴
顏為前將軍。法正為蜀郡太守。董和為掌軍
中郎將。許靖為左將軍。長史。龐羲為營中司。

馬。劉巴為左將軍。黃權為右將軍。其餘吳懿。
費觀。彭萊。卓膺。李嚴。吳蘭。雷銅。李恢。張翼。秦
宓。譙周。呂義。霍峻。鄧芝。楊洪。周羣。費禕。費詩。
孟達。蜀中降將文武官。負六十餘人。並皆處
用。諸葛亮為軍師將軍。關雲長為盪寇將軍。
壽亭侯。張飛為征虜將軍。新亭侯。趙雲為鎮
遠將軍。黃忠為征西將軍。魏延為揚武將軍。
馬超為平西將軍。都亭侯。孫乾。簡雍。糜竺。糜
芳。劉封。吳班。關平。周倉。廖化。馬良。馬謖。蔣琬。

伊籍及舊日荆襄一般文武官員。並皆重用。遣使送黃金五百斤。白銀一千斤。錢五十萬。蜀錦一千匹。與雲長。諸葛亮。張飛。法正。趙雲。如數而贈。已下各各重加賞賜。殺牛宰馬。大餉士卒。開倉賑濟百姓。民心大悅。益州既定。玄德欲將成都有名田宅。分賜諸官。趙雲諫曰。昔者霍去病以匈奴未滅。將士安用為家。何況今日國賊暴虐。不同匈奴。豈可求安也。須待天下都定。然後各還鄉里。歸耕本土。乃

其宜耳。益州人民累遭兵火。田宅皆空。今歸
還百姓。令安居復業。方可使出賦役。自然心
服。不宜奪之。為私愛也。玄德聞之。大喜。使諸
葛軍師定擬治國條例。刑法頗重。法正曰。昔
高祖約法三章。黎民皆感其德。願軍師寬刑
省法。以慰民望。孔明曰。君知其一。未知其二。
秦朝用臣商鞅。音鞅酷法暴虐。萬民皆怨。匹夫
大呼。天下土崩。高祖寬仁。可以弘濟。今劉璋
闇弱。父子相承。有累世之恩。法度陵替。德政

不舉。威刑不肅。君臣之道。盡已廢矣。凡入寵之以位。位極則殘。順之以恩。恩竭則慢。以致喪國。實由於此。吾今威之以法。法行則知恩。限之以爵。爵加則知其榮。榮恩並著。上下同心。為治之道。於斯明矣。凡治政者。要識時務也。法正遂拜服。自此軍民安堵。四十一州地面。分兵按察。並皆平定矣。當日。玄德與孔明都在堂上坐。忽報。關平來謝所賜金銀事。拜罷了。呈上書。玄德賜酒與關平。問雲長別有

甚言語。平曰。父親知馬超武藝過人。要入川
來與益起比試高低。就教稟伯父此事。玄德
大驚曰。若雲長入蜀與益起比試。勢不兩立。
孔明曰。無妨。亮自作書回之。玄德只恐雲長
性急。便教孔明作書。發付關平。星夜回到荆
州。見父。雲長問曰。我欲與馬益起比試。汝曾
說否。平答曰。軍師有書在此。雲長拆開視之。
其書云

亮聞將軍欲與益起分別高下。以亮度之。

益起兼資文武。雄烈過人。一世之傑士。黥布彭越之徒。當與益德並驅爭先。猶未及髯之絕倫逸羣也。今公受任守據荊州。不為不重。倘一入川。若荊州有失。罪莫大焉。言雖狂簡。以冀明照。建安十九年秋七月。亮頓首拜知。

雲長看畢。自綽其髯。笑曰。孔明知我心也。將書遍示賓客。遂無入蜀之意。却說東吳孫權知玄德併吞西川。將劉璋逐於公安。遂召張

昭顧雍商議。權曰。當初劉備借我荊州時。說
取了西川。便還荊州。今已得巴蜀四十一州。
須用取索漢上諸郡。如其不還。即動干戈。張
昭曰。吳中方寧。不可動兵。昭有一計。使劉備
將荊州雙手奉還主公。孫權問計如何。且聽
下回分解。